

**AKT THEMELIMI
i Shoqërisë "GO SOLAR" Sh.p.k.**

Sot, më datë 05/10/2022,

- "SUN POWER" Sh.p.k, shoqëri me përgjegjësi të kufizuar, me NUIS M21901025K, me seli në: Rruga Ismail Qemali, Pallati 11, Kati 2, ne krah te Radio Televizionit Shqiptar, Tiranë, përfaqësuar nga Administratori i shoqërisë, Z. Evis Sopi.

Në përputhje me ligjin 9901, datë 14.04.2008, "Për Tregtarët dhe Shoqëritë Tregtare" (i ndryshuar) dhe ligjit nr. 9723, dt. 03.05.2007, "Për Qendrën Kombëtare të Registrit", kanë vendosur të themelojnë një Shoqëri me Përgjegjësi të Kufizuar të emërtuar "GO SOLAR" Sh.p.k. (më poshtë referuar si "Shoqëria").

NENI 1

EMËRTIMI

Emri i Shoqërisë është "GO SOLAR" Sh.p.k.

NENI 2

SELIA

Selia zyrtare e Shoqërisë ndodhet në adresën: Rruga "Gjin Bue Shpata", Nr. pasurie 1/181/ND+N3, kati 2 (prane ish-urgjences), Tiranë.

Shoqëria mund të çelë degë dhe/ose zyra përfaqësimi brenda ose jashtë Republikës së Shqipërisë, si dhe të transferojë selinë e shoqërisë në një adresë apo qytet tjeter.

NENI 3

KOHËZGJATJA

Kohëzgjatja e shoqërisë do të jetë për një afat të pacaktuar, përvèç zgjatjes ose prishjes së mëparshme të saj sipas vendimit të Asamblesë së Ortakëve.

NENI 4

OBJEKTI

Shoqëria ka për objekt të veprimtarisë:

- Implementimi dhe menaxhimi i projekteve gjeneruese të energjisë elektrike solare (fotovoltaikë) dhe energjisë së erës (eolike) në Republikën e Shqiperisë dhe marrja nga Qeveria Shqiptare apo Ministrive e Institucioneve të Shtetit Shqiptar i të gjitha miratimeve, lejeve dhe licencave të cilat mundesojnë zhvillimin e këtij aktiviteti në menyrë të qetë dhe në përputhje me kuadrin ligor në Republikën e Shqipërisë.
- Projektim, zbatim, ndërtim të impianteve të prodhimit të energjisë me panele diellore;
- Shitja e energjisë elektrike për klientë të ndryshëm, shtet ose privat, të vendit ose të huaj;
- Shfrytëzim dhe mirëmbajtje të pajisjeve të paneleve diellore;
- Projektim, ndërtim dhe montim të pajisjeve dhe linjave të transmetimit të energjisë elektrike;
- Punime të ndryshme ndërtimore në funksion të objekteve dhe pajisjeve të gjenerimit dhe transmetimit të energjisë elektrike;

- Projektim dhe vlerësim gjeologjik, ambiental dhe tekniko-profesional në përgjithësi;
- Projektim zbatim dhe ndërtim i objekteve civile dhe industriale;
- Punime ndërtimore të terreneve, kanalizimeve bonifikuase, të rrugëve dhe të tjera, pa cënuar objektin kryesor të shoqërisë dhe në përputhje me legjislacionin në fuqi.
- Shoqeria do te ushtroje aktivitetin e saj ne baze te autorizimeve dhe/ose lejeve perkatese te leshuara nga organet kompetente te fushes per qellime investimesh ne sektorin bujqesor/agrar/blegtori, ndertim me qellim komersial tregtar,residencial, etj, dhenie me qira/nenqira pronash/asete,menaxhim pronash, shitblerje real estate.
- Shoqëria mund të kryejë gjithashtu të gjitha operacionet tregtare, mbi pasuri të luajtshme dhe të paluajtshme, operacione financiare, industriale, që do të vlerësohen të nevojshme apo të dobishme për realizimin e objektit të shoqërisë si dhe të blejë pjesëmarrje në kapitalin themeltar të shoqërive të tjera që kanë objekt të njëjtë, të ngjashëm apo që lidhet me të vetin
- Shoqëria në objektin e aktivitetit të saj do të përfshijë dhe dhënien e konsulences financiare dhe të cdo lloj aktiviteti tjetër që lejohet sipas legjislacionit shqiptar.
- Shoqeria ka të drejtë të kryejë cdo lloj aktiviteti të parashikuar nga ligji në përputhje me rregullat e dispozitat në fuqi.
- Shoqëria në ushtrimin e aktivitetit të saj, do të marrë të gjitha autorizimet e lejet e nevojshme pranë institucioneve publike shqiptare, dhe do të mbështetet në rregullat dhe normat në fuqi në lidhje me ushtrimin e veprimtarisë së saj të rregullt ekonomike.

NENI 5

KAPITALI THEMELTAR

Kapitali themeltar është i përbërë nga kontributi në të holla i Ortaku themelues në vlerën 1,000,000 Lek (një milion) lek dhe është i përbërë nga 1 (një) kuotë.

Kapitali themeltar ndahet si më poshtë:

- “**SUN POWER” Sh.p.k**, zotëron 1 kuotë, me 100% të kapitalit themeltar, me 1 (një) pjesë me vlerë 1,000,000 (një milion) lek dhe 1,000,000 (një milion) lek të kapitalit themeltar.

Kapitali themeltar mund të zmadhohet nëpërmjet kontributeve të reja në para ose në natyrë, sipas vendimeve të asamblesë së ortakëve të marra më shumicat të parashikuara për ndryshimin e këtij statuti.

NENI 6

ORGANET E SHOQËRISË

Organet e shoqërisë përbëhen nga Asambleja e ortakëve dhe Organi administrativ.

- Asambleja e ortakëve është organi vendimmarrës i shoqërisë e cila vepron në përputhje me Statutin e shoqërisë dhe legjislacionin në fuqi.
- Organi i vetëm administrativ i shoqërisë është Administratori/ët. Asambleja e Përgjithshme emëron një ose më shumë persona fizikë si administratorë të shoqërisë. **Z. Leart Spahija** shtetas shqiptar, lindur më 08.02.1981, në Shkodër, banues në Tiranë, mbajtës i dokumentit Kartë Identiteti me nr. Personal I10208097N, madhor e me zotësi të plotë juridike e për të vepruar, zgjidhet si Administrator për një periudhë prej 5 (pesë) vjet, me të drejtë rizgjedhjeje.

NENI 7

LEGJISLACIONI I APLIKUESHËM

Aktiviteti i shoqërisë do të rregullohet nga dispozitat e statutit të shoqërisë, si dhe nga të gjitha dispozitat ligjore në fuqi në Republikën e Shqipërisë.

NENI 8

DISPOZITA FINALE

Ky Akt Themelimi hartohet në 2 (dy) kopje origjinale në gjuhën shqipe.

Përbajtja e Aktit të Themelimit u lexua dhe nënshkrua nga Ortaku themelues i shoqërisë, duke autorizuar **Administratorin Z. Leart Spahija** për të kryer të gjitha veprimet e nevojshme për regjistrimin e shoqërisë pranë Qendrës Kombëtare të Biznesit (QKB) në Tiranë.

ORTAKU THEMELUES

“SUN POWER” Sh.p.k

Përfaqësuar nga

Evis Sopi

EVIS SOPI

